

«Il Multè fatal»
da Valentin Vincenz

En ses nov roman «Il Multè fatal» tracta l'autur la tematica brisanta da l'abus sexual si d'alp.

5



Mario Pacchioli da
return en Surselva

A Sumvitg ha Pacchioli laschè resunar intginas da sias creaziuns musicalas.

5

südostschweiz

LA QUOTIDIANA

FMR Fundaziun Medias Rumantschas, Via da Masans 2, 7000 Cuirà, 081 544 89 10, redacziun@fmr.ch

■ ENGIADINA

La butiera da Müstair va in pensiu

(fmr/afi) La mità d'october surdà Teresa Gruber-Conrad da Müstair seis Supermarchà al Volg. Avant 40 ons vaiv'la surtut la butia nouva cha seis bap vaiva fabrichà per ella. La mità da quist mais es Teresa Gruber gnüda pensiunada. Ella es cuntainta d'avair chattà üna successiun per sia butia e ch'üna duonna indige-

na surpiglia la gestiun. Sco ch'el-la manzuna nun haja dat dürant tuot ils ons crisas plü grondas e la clientella es restada fidela. Eir las impiegadas pedschan l'atmosfera dal Supermarchà, per part la-vuran ellas fingià daspö 25 e da plüs ons pro Teresa Gruber.

> PAGINA 7

■ SURSELVA



Eugen Flepp davos las culissas cullas crunas e scatlis cun jarvas medicinalas d'ina drogaria. FOTO AUGUSTIN BEEU

Il droghist da Glion cala

(fmr/abc) Eugen Flepp, il droghist da Glion e sia consorta Renata, van en pensiu. Durant 24 onns han els menau la drogaria da Glion. Per las stizuns da detagl ellas aglomeraziuns eis ei vegniu ils davos onns stretg e pli grev da survir ad ina clientella pretensiusa. «Modas, metodas e disas ein semidadas fetg dapi ch'jeu hai fatg gl'empredissadi», sa il droghist da Glion. Cu el e sia consorta Renata ein vegni da Mustér a Gli-

on ed han surpriu il settember 1997 la drogaria Candinas, fuva quei svilup previsibels. 24 onns pli tard han els viu ch'igl ei il dretg mument dad ir en pensiu. Tonpli ch'els han saviu reglar la successiun. La sligiazion ei vegnida pli baul che spigada. «Nus havein giu grond cletg, ed essan era fetg engrazi-eivels che quei ei gartegiau», gi Eugen Flepp.

> PAGINA 3

■ GRISCHUN CENTRAL

Adegna daples persungas

(fmr/gns) An Svizra vainsa 154 000 persungas tgi piteschan da demenza. Christian Koch ò tignia a Savognin en referat pertutgont demenza. 60% dallas persungas cun demenza vegian Alzheimer, la malsogna la pi deresada tar la diagnosa da demenza. Igl spezialis ò er detg tgi Alzheimer seia betg curabel. Graztga agls

medicamaints seia pero pussebel da stabilisar la malsogna. Igl paziaint sez el s'accorscha strousch d'aveir demenza, per-siva croda chegl an igl agls confamigliars. Contacts socials e trenar la memoria chegl recumonda igl medi a tots chels tg'on demenza.

> PAGINA 8

Investar ni vender

Las vischnancas fusiunadas tractan different il possess betg pli duvrà

DAD ANDREAS CADONAU/FMR

■ Vischnancas fusiunadas possedan per regla diversas immobiglias che han pers lur niz. Las strategias co manar quests stabiliments sa differenzieschan. La vischnanca Lumnezia è da bell'entschatta sa decidida dad investar en las immobiglias en agen possess ed ha transferì ina chanzlia betg duvrada en ina chasa da cultura ed ina ulteriura en ina abitaziun. La vischnanca Alvra percenter sa stenta da vender ses possess che ha pers il niz. Avant corona è l'interess per l'antieriura scolina e chanzlia da Mon stà pli che modest. Ussa tuttenina ha la vischnanca pudì eleger il cumprader ed è sa decidida per persunas prontas da prender dimora stabla en vischnanca.

> PAGINA 2



Anteriusas chanzlias, sco quella da Surcuolm, fatschantan las vischnancas fusiunadas.

FOTO GOOGLE MAPS

«L'infiltraziun permanenta dal tudestg è perfida.»

Benedetto Vigne davart l'identitad rumantscha sfendida – Pagina 11

Spelm luoch immnatscha




FOTO POLIZIA CHANTUNALA

(fmr/fa) La via da Malögia chi passa lung la riva dal Lej da Segl stu prosmamaing gnir serreda. Ella es periclitada dal grip luoch illa costa sur la via. Al principi dal mais d'eira ruot giò var 10 000 meters cubics crappa. Geologs haun examinò la situaziun illa spuonda sur la via chantunela e vis cha plüs blocs libers pendan auncha i'l lö da la distacheda frascha dal spelm. Sco cha l'indschegner chantunel Reto Knuchel declera vegn per quel motiv il grip luoch alluntano. Pagina 7



30039



9 771424 749004

Servetsch d'abunents e da distribuziun: tel. 0844 226 226 mail: abo@somedia.ch